

Surselva

Donnerstag, 24.09.2020

Ideas ston spitgar

L'Uniun da dunnas da Laax activa davos las culissas

Dad Augustin Beeli/FMR

Il schaner 1950 ein 37 dunnas s'entupadas all'emprema radunonza generala dall'Uniun da dunnas da Laax. 70 onns pli tard dumbra l'uniun 130 commembras. Pil mument ein biasas activitads sistidas. «Nus havein retschiert enqual resun animont», conferma la presidenta *Seraina Cathomen*

. Il zercladur ha l'Uniun da dunnas da Laax lantschau ina consultaziun tiels seniors dalla vischnaunca. La suprastonza ha vuliu eruir basegns e giavischs sco era sesentir dallas persunas attempadas. Duront il temps dil lockdown havevan las dunnas organisau l'acziun «convischins drovan agid» e culla consultaziun han ellas vuliu optimar la purschida generala. Deplorablamein ston las ideas spitgar tochen che la situaziun sanitarà lubescha. Uonn eis ei dil reminent 70 onns dapi che las dunnas da Laax ei s'organisadas sco uniun communizeivla. La cronica entscheiva cull'emprema radunonza generala ch'ei stada ils 29 da schaner 1950. Lu menava gl'augsegner talas radunonzas. L'uniun mava per exempel pli baul ellas casas a metter en bara ils defuncts. Ella organisava bia tombolas per gudignar daners e saver duvrrar quels per ovras socialas. Suenter che sur Anton Cadalbert ha bandunau il vitg ei siu successur sur Gion Caminada segidaus cun reorganisar l'uniun. El decuors dils davos 50 onns ein las relaziuns semidadas cumpletteimein. Oz meina l'uniun la termagliera, ella organisescha cuors, ina tscheina, gis da skis, visetas e spassegiadas per la cumpignia denter las dunnas. G'onn vargau ha ella organisau per l'emprema gada ina buorsa da vestgadira d'affons. Era pil Café Rumantsch dalla Lia Rumantscha ha l'uniun da dunnas surprüi il patronadi. La crisa da corona ha sfurzau l'uniun da reducir siu vast program sil minimal. Cun in signet special han las dunnas purschiu il survetsch «Convischins dROvaN Agid». Corona ei stau omnipresents. Il til da latiamas han ins stuiu annullar, e per autras occurrenzas ston ins mirar dafertontier.

Margis sera ein pli che 25 dunnas tuttina s'entupadas ad ina activitad, e quei ina zun speciala.

Emanuel Nay

ch'ei carschius si a Laax, ei returnaus en siu vitg ensemen cun sia famiglia. Il special ei che el e sia dunna ein suords e ch'els communicheschan cun lur affons en lungatg mimic. Per levgiar l'integraziun dalla famiglia ha l'uniun organisau in cuors per lungatg mimic. Emanuel sa leger giu dallas levzas e conversar bein, sia dunna Patricia, oriunda da Ghana ell'Africa, ei denton dependenta dil lungatg mimic cun detta e mauns. Sco Seraina Cathomen ha confermau, ei il cuors occupaus fetg bein, las partecipontas hagian empriu ell'emprema lecziun igl alfabet da mimica ed ils emprems plaids. Il cuors cuntinuescha il november.